



نسخ وادستان

جلد ۱۳۳۶

مجله نشریات
مجلس شورای ملی

برگه اول بهمن ۱۳۳۶
پس چوق آراجه اورته ده مجموعه بولمیز

ایستاد شرف خدمت اجدادی فراهموش
آمارینه اسلافوک و غبت اولمیز

سلطنت اولان عثمان غازی حضرت تارندن باشلامشدر . سلسلوی بر
صورتده بوکونه قدر دوام ایتمکده بولمیشدر .

حضرت علی کراالله وجهه افندمن حقنده

— تقلید سیف — نبوی

خیبر غزای غراسنده بالذات یدمؤید جناب رسالتپناهی ایلده حضرت
علی افندمن حقنده — تقلید سیف — اجرا بیورلمیشدر . تفصیلاتی
شویله درکه . وقتا که رسول الله افندمن خیبر غزای جلیله عزیمت وخیبرک
اک متین قلعه لرندن اولان قیوص حصاری محاصره بیوردیلر .
اشجع کائنات اولان پیغمبر من افندمن حضرت تدرینه بوضروده بر
باش آغریسی عارض اولدی . یدی کون امتداد ایلدی . حالبوکه
قلعه غایة الغایه محکم وجیش نبوی ایسه اعدانک لشکرندن آز ایدی .
حضرتک دوام ایدن باش آغریسی سببیه بالذات کندیلری بخاربه
و محاصره یه حاضر اولدی . هر کون علم ظفر تیأمی صحابه کزین
حضراتندن برذاته ویروب سردار نصب ایدرک جنکه کوندرردی .
روایت صحیحهایله ثبوت ایرمیشدر که اول کونلرک برنده حضرت
ابوبکر افندمن علم رسول اللهی آلوب قلعه پیشگاهنه واردی . مقابله
شدیده کوستردی . لکن فتح قلعه میسر اولمدی . ایکنجی کونی علم
رسول اللهی حضرت عمر آلدی و مقابله موقعه عزیمت ایتدی . حضرت
عمر افندمنک مقابله سی دونکی کوندن اشدایدی . ینه فتح نصیب اولمدی .
اول کیجه حضرت پیغمبر افندمن بیوردی . « البته یارین علمی
برکیمسیه ویریمکه جنکده دونه دونه حمله ایدر . اصلا قاجره دوغیز
حضرت اللهی ورسوانی سومر . حضرت الله ورسولی ده اونی سومر لر .
حق تعالی حضرتلری خیبری اونک ایلله فتح ایدر . »

پیغمبر افندمن مالی تحریر اولنال بوحدیث شریفی بیوردقدنصکره
برقاج کون اقدام برادری شهید اولان صحابه کرامدن محمد بن مسلمه

تام ذاته خطاب ایدوب بیوردیلرکه « بشارت اولسون سکا یارین سنک قارداشک قاتلی مقتول اولور »

صحابه کرام حضراتندن سهل بن سعد الساعدی رضی الله عنه روایت ایدرکه اولوقتکه رسول الله افندمن بواوصاف عالییه بی تعداد ایله بشارتده بولندی . پیغمبرمزنک یانتده قرب و منزاق اولانلرمزدن هیچ یرکیمسه یوغیدیکه یارین سنجاغک کندیسنه ویرلمنی آرزو ایتیه و امیدوار اولیه . و کبار قریشدن برجماعت دیدیلرکه پیغمبرمزنک یارین سنجاغی حضرت علی به ویرمک مرادی دکلدرد . زیرا حضرت علی نک غایت شدتلی بر صورتده کوزلری آغرییور . دنیایی کورمه بیللمسی غیرممکندر . ایاس بن مسلمه بن اکوع اول غزوۀ کبراده موجود بولنان باباسندن روایت ایلدیلر . مسلمه بن اکوع دیرکه یاران پیغمبرینک جمله سی فرداسی کون صباحلین پیغمبر افندیمنک آستان سعادتنه جمع اولدیلر . اول دولته نائل اولغه هرکس منتظرایدی . یعنی علم رسول الله کندیسنه ویرلمکه مشتاق بر صورتده بکله یوردی .

کبار صحابه و عشرۀ مبشره دن اولان سعد ابن وقاص حضرتلرندن منقولدرکه حضرت رسول الله افندمنک وجهه هایونلرنده مبارک کوزی قارشیسند . دیز چوکوب اوطوردم . اوندن سوکره ینه قالشوب آیاق اوزره طوردم . شول امید ایله که حضرت پیغمبر سنجاغ شریفی بکا احسان ایله .

جناب ابوهریره حضرت عمر بن خطاب افندمزدن روایت ایدر . حضرت عمر بیوردیلرکه بن دنیاده بک اولغه هیچ بر وقندمه میل و محبت ایتدم . الا اول کون علم رسول الله بکا ویرلمسنه مشتاق ایدم . ایشته کبار صحابه کرام افندیلمزنک هربری امید وانتظارده ایکن حضرت رسول الله افندمن خیمه رحمت مابلرندن چیقیدی . سلطان ذی شان افندمنی ابتدا استقبال ایدن آفتاب جهانتاب ایدی . پیغمبر

پیغمبران اقدمزك چادر دن طلوعیله برابر کونشده طلوع ایتدی. حریر نور اشعه دارینی فرش ایتمک صورتیله خاکپای هایونه یوز سوردی. بعد صحابه کرامک جمله سی افخر کائنات اقدمزك حضور اقدس لرند. صفتیه احترام اولدیله روح موجودات اقدمز بیوردیلرکه، علی ابن ابی طالب نروده در. اصحاب کزین اقدیلرمن دیدیلرکه. یار سوالله کوزلری آغیریور.

زیرا حضرت علی اقدمزك مبارک کوزلری آغریدینی ایچون. برلکده کلیوب مدینه منورده قالمشدی. وکوز آغریسی اولیه شدتلی. بر صورتده ایدی که دنیای کور میوردی.

بو حال ایله رسول الله اقدمزك فراقه تحمل ایده مدی ایراغده دوشمی کندیسنه آغیر کلدی. مدینه دن چیقدی. اول آقشام اردوی هایونه واصل اولمشدی.

رسول الله اقدمز یارین سنجاغ شریفی ویره جکی ذاتک بشارت. توصیفه سنی ایشددند.

« اللهم لا مانع لما أعطيت ولا معطي لما منعت »

دعای شریفیله محراب عنایت کبریایه التجا ایشدی.

فخر کائنات اقدمز بیوردیلرکه علی بنی کتورک. راوی مسلمة الا کوک حضرتلرکی واروب حضرت علی بنک النی طوتدی. کوزی باغلی اوله رق پیغمبر رب العالمین اقدمزك حضور سعادتیه کتیردی. پیغمبر اقدمز رأس عالیه سنی طوتدی. مبارک سینه سینه چکدی. کوزلرینک باغنی آچدی.

آغزینک مبارک بارندن کوزینه القا ایلدی. در حال کوز آغریسی. زائل وشفاء کلی حاصل اولدی. و او کوندن سکره برده کوز آغریسی. کورمدی.

پیغمبر اقدمز کندیلرینک مبارک زدهنی حضرت علی به کیدردی.

و - تقلید سیف - مراسمنی بالاجرا ذوالفقاری ید مؤید رسالت پناهیلریله
حضرت علی نك بلكه باغلادی .

وبعض وصایای همایون اجرا ودعا ایدرك علم ظفر توأمی الینه
تسلیم ایتدی . جنك یرینه کوندردی . حضرت علی افندمن رستمیری
حیران ایددجك برهیت ایله قلعه نك جوارینه کلدی . اوراده اوافق طاشلی
برروار ایدی . علمی اورایه دکدی . اوکون ابتدا قلعه دن چیقان بهادر
مشهور مرحبك قرداشی حارث ایله اتباعی ایدی . اهل اسلامدن ایکی
آدم شهید ایتدی . حضرت علی افندمن بو حالی کورنجه یلدرم کبی شاقیدی .
حارثك اوسته هجوم ایتدی . او یله بر قلیج آتدی که باشنده کی مغفریله
زره یله برابر درت پارچه اولوب ایکی طرفه دوشدی .
جهان عليك عون الله صدا سنه مستغرق اولدی .

حصار برجندن بو هییت ودهشتلی ضربه یی کورن بر یهودی ،
فریاد ایدرك ای اهل خیر مغلوب اولدکنز دیدی . ینه بر یهودی
توراتی موسایه کوندرن تکرری حقیچون بو پهلوان بو حصار ی ضبط
ایتمدکجه دونهز . کلامنی صرف ایلدی .

کندی پهلوان جهان عدایدن مرحب ، قرداشنك مقتول اولدیغنی
کورنجه ایکی زره کیدی ایکی قلیج قوشاندی باشنه بر عمامه واوسته
بولاددن بر توغلفه کیدی . دهشتلی بر نیزه سی وار ایدی که دمیرینك
آغیرلغندن کنديسندن بشقه کیسه قوللانه مازدی . اله آلدی .
منتخب بر کروم ایله قلعه دن چیقدی . میدانه اونك محاربه سنه
وارمغه کیسه جسارت ایدممدی . زیرا او حوالیده اوندن بهادر
کیسه یوقدی . محمد بن مسلمه حضرت تلرینك قرداشنك قاتلی اولوب
حضرت رسول الله یارین قتل اولنه جفنی تبشیر بیوردینی بو بهادر ایدی .
مرحب جولان ایدرك بو رجزی او قومغه باشلادی .

قد علم الخیر اتی مرحب شاکی السلاح بطل مجرب

اطرب حیناً و حیناً اضرب) اذا الحروب اقبلت تلهب
ان حمای لحمی لا یقرب

حضرت علی افندمن مزجه قارشى واردي . بورجزى او قودى .
انا الذى ستنى امى حيدر . ضرغام اجام وليث قيسوره
عبل الذراعين غليظ القصر . اوفيهم بالصاع كيل السندر
ايكى قهرمان جولانه باشلادى . توزلر قالقدى . اورتالغى قابلادى .
كورنمن اولديلر .

اسدالله اعظم افندمن مرحبك قليج حواله سنه ميدان و پرميوب ذوالفقارى
اويله برشدته اوردى كه توغلغه دن عمامه لردن كيچدى بوغازينه قدر ايندى .
شدت ضرب على اونددده توقف ايتدى . قات قات زره لره برابر
وجودنى بر قاچ پارچه آيرد قدن صكره تا اگر قاشنه قدر ايندى .
بعض شعرای عرب شو بيتى او دهشتلى ضرب حقنده نظم ايتشدر .

على حمى الاسلام من قتل مرحب
غداة اعتلاء بالحسام المصمم

او معركة كبراده حضرت على افندمن مرحبدن بشقه خير
بهادر لردن دها يدى كيمه يى بالذات كندى قيليجله اولديردى .
آرتق قلعه اهاليلى طايانه ميوب قلعه يه فراره باشلاديلر . حضرت
على اونلرى تعقيب ايتدى . او صررده بر بهادر انه بر ضرب اوردى .
قالقان الندن دوشدى . برديكرى ده قالقانى آلوب قاچدى . امير المؤمنين
افندمن زياده سيله غضبه كلدى . حمله كرارانه لرني بر صورتده
سرعتلندردى كه بر آن غير منقسم ايچنده برق خاطف كى قلعه قپوسنه
يتشدى . ايسته هيت نور ولايت و قدرت سر كرامت بو آنده ظهوره
كلدى .

قلعهك دمير قپوسنى اويله بر سرعتله چكوب الما كى انه آلوب
كبرى يه دوندى كه قلعهك زلزله يه اوغرامسى و برج و بارونك يرلره
دوكلسى ائشاده حضرت على افندمن مصون بر موقعده بولنيوردى .

قلعه اهالیسی محیر عقول اولان اول زور بازویی کورنجه عموماً
فریاد و فغان ایله امان دیله دیلر. امیرالمؤمنین افندمز حضرت رسول الله
ساقدمزدن بالاسیتدان اونلره امان و یردی . جنک نهایت بولدقن
صکره فاتح خیبر افندمز اول قاپویی باشی اوستندن سکسان قارش
یرد آتدی ویدی آدم اتفاق ایدوب از قپونک آلتی اوستنه دوندرمکه
بچالشیلر قانداوله مادیلر. نصل که شعرای عربدن بعضیلری دیشدر .

علی رمی باب المدینه خیبر

نمانین شیراً وافیاً ولم یثلم

حضرت علی افندمز فتح قلعه دن صکره حضور نبوی یه عودت
ایدنجه سیدالمرسلین افندمز حضرتلری استقبال ایدوب خیمه قپوسندن
طشره چیقدی . مبارک سینه سینه چکوب ایکی کوزلرندن اوپدی .
ویوردی که :

قدبلغنی نباؤک المشکور . وصنعک المذکور

یعنی یا علی تحقیق سنک سنی مشکور و عمل مد کورک خبری
کلوب بکا واصل اولدی .

وینه بیوردی که یا علی بن سندن راضی یم . بوالفات پیغمبرانه دن
حضرت علی افندمز رقت کلوب آغلادی . پیغمبر افندمز سبب
بکاسنی استفسار بیورنجه یار رسول الله فرح و سرورمدن نیجه آغلامیه یم که
سن بندن راضی اوله سک . دیدی .

افضل عالم صلی الله علیه وسلم افندمز بیوردیلر که سندن راضی
اولان یالکز بن دکلم بلکه جناب رب جلیل و جبرائیل و میکائیل
وسائر ملائکه کزین دخی سندن راضی اولشردر .

ایشته صدر اسلامده تقلید سیف مسئله جلیله سنک اساس مؤیدی بویله
بر صورت عالیده وقوعبولشدرد. دولت عثمانیه ده دخی بوشعار جلیله یه
توفیقاً مؤسس دولت اولان عثمان غازی حضرتلری حقینده وقوعبوله رق
مادی و معنوی برچوق فوائد و خوارق ظهور ایتمش واوندن صکره
بین الانام قدرت قلیجی و همت قلیجی ناملریله مشهور جهان اولمشدر
او تاریخدن بوکونه قدر آردن تمام آلتی یوز اللی سنه قدر بر زمان
کچدیکی حالده اداب و ارکان ملوک و اهل الله صره سنه کچرک هر جلوس
هایون وقوعبولد قیجه - تقلید سیف - مراسم جلیله سی و وقوعبولقده در.
شمدی کله لم عثمان غازی حضرتلرینک تقلید سیف مراسم مبارکه سنه



مؤسس دولت علیه، عثمان غازی حضرتلرینک
- تقلید سیف - مراسم

تفصیلاتی کاشف العلوم و الحقایق قدوة المدققین سید مصطفی هاشم
جلوتی [۱] بن سید نظام الدین یوسف جلوتی حضرتلرینک (عنقای
[۱] مشارالیه سید مصطفی هاشم افندی حضرتلری افاضم مشایخ
جلوتیه دن بر مرشد کمالات موصوفدر. مرشد عایقدرلری پدر والا کهرلری
شیخ یوسف نظام الدین جلوتی حضرتلریدر. اونک مرشدی شیخ الشیوخ
حامد المورده وی، اونک مرشدی شیخ الشیوخ ولی الدین المجاهد الطوبیخانه وی
اونک مرشدی شیخ الشیوخ و خلیفه الخلفا محمد فناوی اونک مرشدی غوث
الواصلین سید الکاملین عزیز عمود هدای حضرتلریدر. اوندن بوکاری اولان سلسله سی
حاجی بیرام ولی حضرتلرینه واصل اولور که خلیفه لری آق شمس الدین حضرتلری
ابوالفتح سلطان محمد خان حضرتلریله استانبول فتنه نده برلکده بولنمش اولادینی
تاریخاً مشهور جهاندر.

الشیخ السید مصطفی هاشم افندی حضرتلرینک اجداد عظامندن سید یوسف
افندی حضرتلرندن سلطان بایزید خان ولی بن ابوالفتح سلطان محمد خان حضرتلرینک
وینه اجداد کراملرندن شیخ عبدالله افندی حضرتلرندن فاتح مصر سلطان
سلیم خان حضرتلرینک کرمهت و سیف معنوی قورشاندقلری - عنقای مشرق - لرند.